

Broj: 07-13-2-1169-1/23
Mostar, 31.8.2023. godine

Na osnovu člana 173. stav (2) Zakona o električnoj energiji Federacije Bosne i Hercegovine („Službene novine Federacije BiH“, broj 60/23), postupajući po službenoj dužnosti u postupku ukidanja Rješenja broj 07-02-1592-82/25/09 od 21.7.2010. godine o odobrenju potrebnog godišnjeg prihoda od regulisanih tarifa za djelatnost proizvodnje električne energije Javnom poduzeću „Elektroprivreda Hrvatske zajednice Herceg Bosne“ dioničko društvo Mostar, Ulica Kralja Petra Krešimira IV broj: 6 A, Mostar, zastupanog po zakonskom zastupniku Dragi Bagi, Regulatorna komisija za energiju u Federaciji Bosne i Hercegovine – FERK je 31.8.2023. godine na XVII redovnoj sjednici donijela sljedeće

R J E Š E N J E

1. Ukida se Rješenje broj 07-02-1592-82/25/09 od 21.7.2010. godine o odobrenju potrebnog godišnjeg prihoda od regulisanih tarifa za djelatnost proizvodnje električne energije Javnom poduzeću „Elektroprivreda Hrvatske zajednice Herceg Bosne“ dioničko društvo Mostar.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

Na osnovu člana 14., člana 15., člana 29., člana 32., člana 50. i člana 89. Zakona o električnoj energiji („Službene novine Federacije BiH“, broj 41/02, 24/05, 38/05 i 61/09), FERK je donio Rješenje broj 07-02-1592-82/25/09 od 21.7.2010. godine, kojim je Javnom poduzeću „Elektroprivreda Hrvatske zajednice Herceg Bosne“ dioničko društvo Mostar za obavljanje djelatnosti proizvodnje električne energije odobren potreban godišnji prihod od regulisanih tarifa zasnovan na priznatim planskim troškovima za bilansiranu proizvodnju električne energije i snage za 2010. godinu. Istim rješenjem su određene i cijene električne energije na pragu hidroelektrana ovog javnog preduzeća, kao i da se jedinične cijene snage i proizvedene električne energije na pragu hidroelektrana primjenjuju radi utvrđivanja tarifnih stavova za nekvalifikovane (tarifne) kupce ovog javnog preduzeća počevši od 1.8.2010. godine.

U „Službenim novinama Federacije BiH“ broj 60/23 objavljen je novi Zakon o električnoj energiji Federacije Bosne i Hercegovine, koji je stupio na snagu 17.8.2023. godine. Članom 173. stav (2) ovog zakona propisano je da će FERK po službenoj dužnosti u roku od 30 dana od dana stupanja na snagu ovog zakona provesti postupak i ukinuti rješenja, kojim je odobren potreban godišnji prihod od regulisanih tarifa zasnovan na priznatim planskim troškovima za bilansiranu proizvodnju električne energije i snage.

Na osnovu navedenog, odlučeno je kao u dispozitivu rješenja.

POUKA O PRAVNOM LIJEKU:

Protiv ovog rješenja može se tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDAVAJUĆI FERK-a
Mile Srdanović, s.r.